

明

詩

紀

事

明詩紀事

貴陽陳田輯

辛鑑

黃學謙 五首

學謙字又謙一字天益善化人天啟辛酉副榜除樂

昌教諭遷興平知縣有紫巖集照杯亭遺草

沅湘舊集又謙晚遭世亂出入山谷榛莽間橫竪無定所遺草凡入卷其曰登甲餘言焚餘草大抵多亂離中作冲和平澹絕少噍殺之音兼精書法晚病辨右手廢以左手作小楷行草更道逸有致

酌別昌江諸子

瓢落吾何用蹉跎付積薪獨憐萍梗聚五見荔支新山水娛遊子文章愧古人清貧無不可黑髮白綸巾

清遠峽

鳥道枕長河藍輿渡薜蘿野鷺巢廢堠饑雀啄枯禾村市炊  
煙少山城瘴雨多青楓丹欲盡客鬢近如何

別林工宰

日落大湖濱扁舟一間津山川舊遊地風雨獨行人枹鼓村  
墟急徵求澤國貧荒年兼薄俗白髮尙謀身

別沈茂陵南還入都有約重遊

邱望吾將老肝腸君可憐書籤聊假日藥裹動經年世路艱  
虞裏交情涕淚邊長途春草綠臨別卻悽然

秋思

南國微霜冷菱荷洞庭木落水生波湘靈月下怨瑤瑟山鬼

風前衣女蘿青鳥飛飛空碧海黃姑渺渺隔銀河流雲一夕  
生涼翠欲採蘋花奈晚何

吳馴一首

馴字新會人天啟辛酉舉人

村居

園林綠水簇琅玕夜色蕭蕭滿石闌睡足暑銷楠瘦几鬟疏  
涼到竹皮冠短筇長鑼聞生計老菊衰蘭舊歲寒日日雞豚  
賽村社酒杯常得小團圓一作張萱詩

文震孟一首

震孟字文起長州人待詔徵明曾孫天啟壬戌第一  
人及第授修撰以言事貶秩調外斥爲民崇禎初起

侍讀厯中允諭德庶子少詹事擢禮部侍郎兼東閣大學士參預政務尋落職閒住卒詔復故官贈禮部

尙書福王時追謚文肅有藥圃詩橐

徐枋居易堂集文公每侍講烈皇嘗目迎而送之講筵多忌諱置春秋弗講時上命輔臣選春秋專經者進講首輔溫體仁故以春秋起家而講臣中則公以春秋名天下烏程忮幾見阨久之始進講至率頃歸賜國禮當缺上命補贖公乃言亟以六卿之長而壞法亂紀自王朝始焉用彼相烏程銜之旣入相以公爭言官許譽卿不當削卽露章入告諱公爲指示以次轉何公吾駟持正不傳遂并斥之柄鑿一言并罷兩相卽擅政如分宜江陵未之有也

藥林雜俎經筵對御索設几列講章其上講官易爲口直講從御案傍敷陳卽自撰講章也蓋講章先期呈閱臣閱定中書舍人錄置御前侍講官第闢本義未規數語不繁引也崇禎時好衍時事輒千百言如豫章禮部右侍郎羅喻義講尙書布昭聖武泛引國朝三大督志烏程屢刪之不受忤去錢憲菴曰講官致規不過篇末今累牘連章烏程坐是與詞林不

協予所見講官文湛持倪鴻寶學問該洽聲容開雅  
真其選也姚孟嘗次之姜歲勝有儀度其學不逮姜  
燕及氣粗許石門語冗

題漱松堂

禪闈窈窕鎖煙霞時有松風漱齒牙翠蓋亭亭懸物外清陰  
密密蔭溪涯鶯聲入戶偏隨枕香粉沾衣是雨花茂苑於今  
成鹿苑何妨竟日演三車

田家

土牆茅屋幽棲修竹疏花滿隄彭澤人來送酒山陰客過留  
題

陳仁錫

仁錫字明卿長洲人天啟壬戌第二人及第授編修

以忤魏忠賢削籍歸崇禎改元復故官歷中允諭德  
拜南國子祭酒福王時贈詹事謚文莊有無夢園集

四十卷

百城煙水無夢園陳太史芝臺別墅其自署齋聯云  
流水之間心自得浮雲以外夢俱無中有息浪見龍

靜志居詩話吳中甲第之盛前數嘉靖壬戌申文定  
峰諸勝王文肅同郡人後則天啟壬戌文文肅陳文莊同縣  
人兩公皆老於公車晚始登第文莊以不肯撰碑瑞  
鐵券文落職可謂不負科名

贈袁重其

孝哉袁子弱冠形癯室既如磬甕亦無儲以硯作田以管作  
鋤朝種暮割一米一珠宵負手炊時慰倚闌歲宴相過雪滿  
吾廬豈惜呵凍喜爲爾書

蔣德璟二首

德璟字若柳一字八公晉江人天啟壬戌進士選庶  
吉士授編修歷侍講諭德庶子少詹拜禮部侍郎進  
本部尙書兼東閣大學士參預機務加太子少保甲  
申三月忤帝意辭朝移屬外城亡去福王時召入閣  
固辭唐王立再召以足疾辭歸病卒有敬曰草二卷

澹雅集僕始創爲詩篇法大則十餘小則數首以錯  
綜事物酌於情理今古之間其流連風月泛濫觴詠  
者概不得與惟吾鄉蔣八公獨信其說此道關才闢  
識才識必生於學而嚴滄浪以爲詩有別才非關學  
也此眞瞽說以欺詬天下後生歸於白駁打油釘鉛  
而已八公云必欲登峰造巔刊皮抉髓則人不數章  
章不數句安得盡如蒸民大東而後得其正變乎僕  
亦深以爲然

東南崎外詩話公於國計最精凡九邊十六鎮兵食  
之數及屯鹽民逋漕糧馬價無不了然於胸吾鄉先

哲自馬恭教外未見其匹而朱竹垞但稱其典雅治  
歷條奏詳明此與周延儒薦公文章華贍何異亦淺  
之乎知公者矣十五國風高言集董蒼水曰爲詩者雕繪不難而難  
於自然之中雋味出焉此先生之詩乎

舟過海珠

初日浮波似鏡中捲簾樹色繞珠宮僊人鮑葛知何在應在  
菖蒲碧澗東

雷州上元竹枝詞

花期常似春三月海錯未輸值一錢十斛柵榔田萬頃徑來  
陸地作神仙

郭都賢一首

都賢字天門益陽人天啟壬戌進士除行人遷吏部

主事厯員外郎中出爲四川參議遷江西副使以右  
僉都御史巡撫江西福王時拜南京操江桂王立以  
兵部尙書召俱不赴入國朝削髮爲僧號頑石又號  
些庵以詩累死江陵承天寺有衡藏集止庵集湘恨

秋聲吟等集

陶汝鼐揭玉堂集些公以故老流離晚懷宗社所作  
詩文居然得九歌之遺  
沅湘耆舊集先生負經世才思匪屯難及遭時多故  
知事不可爲銷聲晦迹至於祝髮空門流離博徒客  
死荒寺故國之戚一飯不忘遠則鄭憶翁謫泉羽近  
則蘖庵青原晦山大錯諸公心事一繚先生詩雄篇  
鉅章往往凌厲一世矢口成音問乏蘊藉倪文正公  
所云愛他風骨耐他粗良非虛語

錦湖早發

曉月樹猶白放舟身與輕日長添午夢蘆暗束江聲雲影天

在水郵籤浪是程錦湖深幾許得似送余情

文安之

一  
首

安之字汝止夷陵人天啟壬戌進士改庶吉士授檢討遷南司業就遷祭酒削籍歸福王時起詹事唐王立召拜禮部尙書皆不赴桂王立拜東閣大學士加太子太保兼吏兵二部尙書總督川湖諸處軍務爲孫可望所阬桂王入緬甸鬱鬱而卒有鐵菴集

山居漫興

斜陽倒影上莓苔鳥鳥相呼客未來怪石但逢閒處有好花剛揀勝時開關山曉角猶悲壯望洛名城半草萊欲寄牢騷愁幽莽暗中撾鼓作輕雷

馮元飈

一  
首

元飈字爾敬慈溪人天啟壬戌進士除澄海知縣改  
揭揚擢戶科給事中厯禮科刑科遷太常少卿厯南  
太僕卿通政使召拜兵部侍郎進尙書

首善書院感舊作

維貞皇帝神授符詔出明光徵大儒有臣元標首應詔誰竝  
進者臣從吾一時諸儒相繼入王道蕩蕩民所趨貞皇雖逝  
嗣皇少聰之日出時未晡諸儒謂可睹上治力崇正學開標  
無請爲天子建書院揭以首善天之衢漢唐宋元何足數升  
堂入室泗與洙當使亂臣賊子懼如陸有軌水有桴豈無覆  
鼎相錯列能由是路亦吾徒越歲壬戌策進士臣飈蒙與諸

臣俱二十爲學志方壯晨起盥漱遵修塗少焉諸儒次第入  
鳴鐘擊鼓聲鏗于衣冠肅對寂未語森若披古賢聖徒儒者  
甯盡闡世務憂天往往多訏謨乃知名教自足樂照耀萬古  
焉可誣彼譖人者亦太甚曰宋之敗由程朱封疆在今多事  
日喪衣博帶何其迂輔臣向高爲此懼手自伏疏陳青蒲誰  
爲此言告陛下當付之吏法當誅天子寬仁置勿問忍見白  
日舞妖狐嗚呼諸儒死不恨宣尼栗主誠何辜乙丙之際不  
可說故老欲哭徒嗟吁丁卯八月聖人出讒者慄慄憂頭顱  
臣麤再入問晝院門外細草翔噦烏聖人豈不重經術時危  
未暇陳蒼瑚竊見京師富梵室口語以唄拜以膜亦有高閣  
祀天主譚兵治厯喧齷壘獨使晝院屏勿事臣麤敢復惜微

軀卿雲縵縵天子都諸儒靈爽應未徂大道經天終有孚幸  
甚爲念臣區區此詩從詩綜改本

劉侗帝京景物略都門講學始首善書院起天啟二  
年十一月閏月二十至天啟四年六月罷講罷逐主  
講者都察院都御史吉水鄒先生元標副都御史三  
原馮先生從吾兩先生萬曆初各以建言予杖去里  
居講學四十年泰昌初徵入京尋總副臺憲公暇輒  
會講城隍廟百子堂自紳衿氓隸聽者數百人始議  
建書院宣武門內城下御史周公宗建董之講堂三  
楹後堂三楹供先聖陳經史典律院碑一大學士葉  
公向高文禮部尚書董公其昌書也講未幾崔魏盛  
黨禍深御史倪文煥等詆爲僞學斥逐請碎其碑有  
疏曰聚不三不四之人說不痛不癢之話作不深不  
淺之揖噭不令不熟之餅乃碎碑暴其石於門外毀  
先聖主焚棄經史典律於堂中院且折矣會今上改  
元倪等伏法院遂以存後禮部尚書徐公光啟率西  
洋人湯如望等借院修厯暫署曰厯局  
靜志居詩話徐宮保光啟借院修厯久之西洋人踞  
其中更爲天主堂至今不改馮公是詩毋忝詩史

蕭士璋

五首

士璋字伯玉吉安泰和人天啟壬戌進士除行人謫光祿典簿遷南大理評事就遷禮部主事改吏部厯員外郎中福王時遷光祿少卿拜太常卿移疾歸有

春浮園集

有學集伯玉詩體氣清拔取法涪州今體偶然與放  
翁合  
李元鼎石園集伯玉惜墨如金未嘗輒下一字以故  
著述精而不博  
田按伯玉論詩取律細格老故不輕落筆力矯玉李  
之弊時入尖新與公安同趣其獨到之處瘦削清冷  
儼然宋人佳境

贈蘊公

亦習毘尼戒偏饑物外情攢眉入白社沽酒破愁城疏柳低

殘月流螢照定僧焚香深夜坐靜對長虛明

初夏幽居

爲愛松風偶結廬日長山靜閉門初柳眠水滿低過舫梅潤天陰漫及書竹聊夫人沾體滑葛裁野老稱身如雨餘土濕肥新甲荷鉢相隨小摘蔬

園居二首

偶然謫墮向人間博得清閒任福懶輕飽經行時宴坐醉餘睡起一登山壯心無賴隨年減幽事相關到老頑茆屋數椽深竹裏湖光澹石樹灣環

南湖遙與北菴連纔下籃輿便上船得計學閒先學懶無才爲鬼可爲仙因精茗事泉能細談翦鄰樊山於全歸晚斷橋

達野衲清言共爾亦妨禪

蕭齊讀楞伽

騎然水木湛清華高寄蕭條處士家課罷楞伽無個事閒窗  
小立嗅梅花

金肇元一首

肇元字木公一字司杓東陽人天啟壬戌進士除徽  
州推官入爲工部主事改兵部選員外郎出爲江西  
參議進副使遷福建參政有陽春館集

遊水竹閣

秋光田郭好此地有叢林陟岫雲生足穿松翠染襟茅籠天  
竺佛梵唄海潮音蒼靄知留客氤氳谷口深

倪嘉慶 一首

嘉慶字篤之江寧人天啟壬戌進士除戶部主事遷員外以事繫獄放歸起吏部員外遷戶科給事中甲

申後爲僧名函潛又名大然字笑峰有靈潭集

靜志居詩話倪公治賦之才崇禎戊辰在樞部上言  
國計入不敷出歲額缺至二百三十餘萬何以支持  
其言曠若指掌假令思陵此時聽公之言綢繆區畫  
則後此雖有水旱盜賊尙可緩於危亡而情乎不見  
納也旣而兵科給事中劉徽疏請裁驛遞有旨裁十  
之三省郵傳銀六十萬公獨昌言曰驛遞之設貧民  
不能自食者賴之茲之太過將鋌而走險此盜生之  
源也俄而李自成果以驛卒被裁走入高迎祥隊中  
後遂以亡明朝野成服公盧之遠云

遠客

淒風吹遠客極目盡蕭森山閣含秋氣江城起暮陰天晴空

翠隱日薄瘦寒侵漫把他時淚孤舟繫此心

黃宗昌

二首

宗昌字長倩卽墨人天啟壬戌進士除雄縣知縣改  
清苑徵授山西道御史有恒山游草於斯堂集  
全楚臣憇寒汀館中見鍛羽雁賦詩傷之

雲中自可羨籬下亦無妨物化齊溟淳鱗潛等羽翔翼須假  
六翮刷羽凌八荒所以蜩與鷺欣然捨榆枋

故園

新葺茅齋木板扉尋常高卧到斜暉遙憐舊植青桐樹久貯  
清陰待我歸

喬可聘

一首

可聘字君徵一字聖任寶應人天啟壬戌進士除中書舍人遷河南道御史有醉陶齋詩

生日

病骨殘生付冷煙掩扉蕭寂子雲玄山中日月無心記開到黃花又一年

何萬化一首

萬化字宗元上海人天啟壬戌進士授南兵部主事  
歷員外郎中改禮部出爲福建副使進參政擢廣東按察使不赴

靜志居詩話宗元仕閩爲制府憲策平劉香入楚同諸君協力擒張蕡徽是亦開濟之才不徒以雕篆見長者

遊玉華洞

奇物有萬族誰羅一穴中造化作兒戲巨靈殫鬼工赤松厭  
雕刻白鶴返洪濛千載此人去寥寥洞府空

梁元柱一首

元柱字仲玉廣州順德人天啟壬戌進士選庶吉士  
改陝西道御史以劾魏忠賢削職崇禎初起福建道  
御史以憂歸起陝西參議未上卒有偶然堂集

送人從軍榆關

少年負俠骨悲歌志不平偶探黃石卷欲赴白登城錦瑟墟  
頭醉雕戈馬上橫功成報天子當作魯書生

姚孫榘一首

孫桀字心甫桐城人天啟壬戌進士除龍遊知縣改  
晉江擢江西道御史謫上林典籜遷吏部主事厯員  
外郎中出爲福建副使改尚寶卿有石嶺集

車中漫紀

稍覺霜威解郊原靜不風平蕪嘶倦馬古戍掠征鴻帆影寒  
流外人煙落照中徐滕雖異壤艱食恐相同

齊心孝

一首

心孝字君求桐城人天啟壬戌進士選庶吉士授編  
修

宿益堂

閒邀明月過仙家網戶沈沈暗碧紗去日濃陰渾不改可憐

新發斷腸花

王鳴玉

一首

鳴玉字六瑞竟陵人天啟壬戌進士歷給事中出爲  
陝西參政有環草

韋公寺

左安門外繞長汀畏友頻邀過水亭一片塵羞溪面照十分  
酒入客脾醒荷含秋意多相向蟬作鄉音乍可聽花落燈殘  
鐘定後今宵旅夢各惺惺

秦壠

五首

璫字器新無錫人天啟壬戌進士除澤州知州改福  
甯擢戶部員外郎靜堂集

栖隱園十景

錄五

溪上架層樓。登樓遊盡裏陰晴。朝暮閒與山俱卧。起

溪山樓

曲曲疏籬轉寒林。別有春孤吟時索笑。不見詠花人。

香雪林

日日對青山。青山看不足。東風何處來。又皺平鷗綠。

青未了

名取廊生注山川。若綺分登臺。欲有望青山。多白雲。

綺望臺

繞廬碧一灣。纏縷者誰子。望望青山近。桃花自流水。

湖翠廬

黃景昉

五首

景昉字太穆。晉江人。天啟乙丑進士。改庶吉士。授編修。厯中允。諭德。庶子。少詹。進詹事。擢禮部尙書。兼東閣大學士。參預機務。加太子少保。改戶部尙書。進文淵閣大學士。引歸。唐王時起原官復告歸。國變後家

居十餘年卒有甌安館集三十卷

國史嘯疑文皇求張三半愈切而張愈固自匿學道  
宜秉宿根秦皇漢武空襲裳濡足况別有所假借求

之乎卽復參嵒輝煌何足動神仙一盼子嘗過之詩

云金碧酬初願龍池動殺機當年方外客也謾首陽

薇頤自淡中

十五國風高言集田帰淵曰東匪先生詩取境不一

軌邁材不一家曾讀其戊子六月五日紀事詩後之

尙論者并可以原先生之心事矣

靜志居詩話相君務去陳言專尚新警其近體尤顯

繪如侍楚王宴云隆準衣冠高帝後彤頤宮闈大江

濱登太和絕頂云天野星躔包兩戒國朝歛濟視三

公南臺燕集云仙家聞苑琉璃浦禹貢揚州篠蕪

贊友云少從魯國稱男子家近茅山得異人書樊叟

云公餘稚子燒松液酒全材旨無蔗羊集北郭草堂

云誰邀玉佩神仙客自唱清歌苦薩蠻答友云枚叔

賦遊梁上苑伏生書重漢西京寄友云以吾一日長

乎爾如此三星粲者何要不作沿艤語

龍性堂詩話東匪先生當革代時有感限韻詩八十

二首中如有淚鉢人甘憇漢無情玉馬苦朝周羈尊

醉益看花感絃管妻增落葉哀元亮詩成題甲子伯

仁寘罷泣山河春去尙憐望帝魄信來誰答子卿書  
雁橫塞北昭君恨花發江南庾信哀嘵鳥也知亡國  
鳥哀枯魚此日將書至旅雁何年繫帛回哀聲險韻

不堪多讀和敬堂集追維辛巳壬午時拂如螭塘天子姦於上  
黨與成平下溫陵二相同日入政府當遇巷之時正  
人獲罪如石齋公禍幾難測東厓先生經筵申救必  
鑿而後已於是不自安不旋踵謝歸所留連往復於  
本朝之故一切寄意於單詞寸牘中名曰國史唯疑  
其文約其旨該顧甚惜不以示人獨留其副於高雲  
客氏雲客公之高足弟子也滄桑之後雲客以授林  
同人吉人兄弟同人又授鄭公允幾亭及予於是三  
山始有鈔本凡四家先是公林居余小子曾趨侍齰  
安館累晨夕貽詩有聲名轉大憂方始文網多繁夢  
未安之語蓋猶有疊山對客之恨焉勗光以來更厯  
二十餘載山川如故夢若隔塵手搘縞撫膺洒涕  
榕城詩話晉江黃太碑景昉天啟進士後登槐鼎著  
言有騷安館詩及鹿鳩詠其自序云徒以身叨楚從出  
此言可以爲館閣言詩之法

按太碑博通當代掌故所著國史唯疑特論俱有

條理爰立如此可謂得人乃不久而罷思陵之不足  
與有爲可知矣厭安館詩取法晚唐輕俊鮮妍於關  
人成派別開生面

題李孝伯花隱別業

巷避車窮處誰期宛委通入門驚竹翠隨地見花紅白璧那  
關使青樽綺里翁酒行觴政肅知未損家風

立秋日同傅子訥王何稱林爲盤郭閣生穿蓮東湖分

得蓮字

曲水旁城好放頗荷香十里葉田田爲驚鳥夢停歌扇故拂  
花鬢落酒船詩思清如秋乍起湖光雅與客相憐紅裙白紵  
尋常唱我愛舉頭玉井蓮

武林宿照慶寺

宋家宮殿佛爲壇廊下波斯十字欄蕩暮青絲邀客醉重糊  
白紵映人寒暑逢再閑涼非遠歸及中途夢未安仍被信來  
催轡發許多幽壑不會看

同李曉湘給諫過郭仲常吉士宅分賦

閩山潮海未殊鄉密坐深杯況夜長莫怪市聲催簷篥同將  
風景憶檳榔吹笙綠嶺神仙相焰馬黃門羽獮裝君自投驥  
稱絕技滑稽誰更似東方

邢州詢李子鱗先生遺蹟

先朝西署盛風流白雪縱橫不待秋三輔年年驅五馬只今  
人說李邢州

何楷一首

楷字元子漳州鎮海衛人天啟乙丑進士崇禎初授戶部主事厯員外改刑科給事中屢遷工科都給事中以劾楊嗣昌忤旨左遷南國子監丞福王時擢戶部侍郎唐王立進戶部尙書

田按元子立朝嶽嶽懷方尤邃於經學惜詩不多見

吳門與諸子夜集賦呈辟疆社兄

乘槎渾未倦載酒喜相過立探圖前易情生別後歌雨聲侵棹冷香燼拂杯多積想聊堪豁分襟復奈何

孫晉一首

晉字明卿桐城人天啟乙丑進士除將樂知縣擢給事中厯大理卿以~~總督~~宣大有黃山遊草

再宿南陽

二月水漫漫無端春色闌深杯嫌夜短久客怯衣單未見干戈滿誰知道路難憂時多少淚不敢向人彈

熊開元一首

開元字立年嘉魚入天啟乙丑進士除崇明知縣改吳江徵授吏科給事中貶二秩調外起山西按察司照磨厯光祿監事遷行人司副以言事廷杖削籍遣戍福王時起吏科給事中不赴唐王立起工科給事中擢太常卿左僉都御史隨征東閣大學士汀州破棄家爲僧名正志字蘖菴有華山紀勝集

靜志居詩話魚山欲劾宜興適思陵許奏事於弘政門召對及入見宜興侍側因言軍事而出既而召見

德政殿輔臣亦入乃言曰易傳有云君不密則失臣  
臣不密則失身臣所云願輔臣暫退思陵諭曰輔臣  
管密勿熊開元前所奏卿等皆與聞可以不退是日  
不敢盡言思陵命草疏入仍有茶果餅餌之賜迨疏  
入遂被收思陵怒且不測矣會姜公如農疏有皇上  
何所見而云然乎等語怒益甚兩公授杖之苦用刑  
之慘其不死者幸也爰晝既上思陵一日謾譖輔弼彌  
再曰謾譖陰狡三曰謗毀狡肆人皆疑思陵曲護宜  
興獨尹樞部宣子謂思陵時已患宜興命魚山具疏  
者度必列款欲據之便按問及見疏乃曰如此不痛  
不癢思兩邊倣好人邪蓋實怒其不力參而反以誹  
謗大臣爲罪非思陵本意也斯言得之

吳門與金正希夜哭

碧血何曾灑丹心不可砭誰人呼馬角與子泣龍髯半壁留  
吳越羣奸布網箝吾將披髮去長向海山潛

陸澄原

一首

澄原字嗣端平湖人天啟乙丑進士除工部主事遷

員外謫順天照磨厯大理寺副遷兵部員外被察閒  
住有芝房集

李詩藝嗣端爲詩秀逸尖新雕香刻翠有佻宕自喜之致

寄王修微

女兒溪淺亦生紋巾子峰低也出雲水定山空何處所合歡  
花底拜茅君

郭紹儀

一首

紹儀字汾仲一字丹葵平湖人天啟乙丑進士除當  
塗知縣擢南湖廣道御史有青蒲草

擬郭弘農遊仙詩

弱齡寡塵累燕想出殊廷手翦碧桐葉好寫鳥跡經東髮理

辛鑑卷十八

六

冠劍歎息勞我形每思凌景風駕彼朱鶴翎玉妃名婉羅翡翠列雲屏贈我刻竹杖飲我瓊綠醞養生不愛道毋乃非仙靈

陸錫明 一首

錫明字幼興平湖人天啟乙丑進士除工部主事遷員外出爲常州知府改徽州遷江西副使

郡齋坐雪

招飲今堪詠吾將問澤蘭美人不知處簷瑟耐春寒風杆春雲腳花蕊碾月圓翻疑山郡裏僵卧似袁安

劉在朝

六首

在朝字廣乘監利人天啟乙丑進士除福清知縣徵

授戶部主事厯員外郎中出爲易州兵備副使有蘭

心堂喚贊齋等集

田接廣乘詩取意幽婉雖爲鍾譚所染亦彼法之鍾  
錚者

聞雞有懷

鐘澀知霜滿雞頻省曙分人天開夜旦佛檠現聲聞落葉埽  
殘夢寒衾思早曉不知湖上覺猶戀幾峯雲

客去

客去自成睡村幽天屢陰湖風吹夢闊茅屋受秋深裝薄居  
頻換衣單寒轉侵故人在天末槭槭想遙音

村居風雪畏齋先生老病遠顧留宿祇園賦贈

茆屋雨聲近中宵風更號愁君同瘦鶴無友贈綿袍梵唄了

今夕暗鬢薄雅驅蕭然禪榻畔塵夢付霜臺

花朝日有感

花事負朝旭那因典舊衫柳風春不度浦霧午猶啞久客慚  
歸鳥閒行數去帆無家栖燕子沙際語呢喃

甲申除日

詎忍言除日君親諱所臨色閑鍾阜迴淚灑鼎湖深一壑謀  
斯夕三朝愧履簪祝年同野老敢後草臣心

秋泛

蓼花兩岸映波紅短葦輕橈夕照中不信綠楊憔悴畔更無

顏色領春風

黃文煥一首

文煥字維章一字坤五永福人天啟乙丑進士除海  
陽知縣改番禺山陽召試擢編修以事下獄釋歸有  
赭留集

福建通志黃道周以諭楊嗣昌陳新甲得罪逮問詞  
連文煥遂同下詔獄獄中箋注楚詞聽直入卷陶詩  
析義二卷旣釋獄乞身歸里別道周詩云自聞鈎黨  
獨行憂痛哭批麟淚未休欲格君心甘濺血不教漢  
祚付清流雷霆怒盡天同笑生死移時我掉頭今日  
全軀同去國莫將厨俊傲林邱

和俞邵弟白秋海棠

癖畏陽驕暑氣侵尋常棲止擇多陰近來別有廻天力占得  
飛霜早滿襟

李模

一首

模字子木太倉州人天啟乙丑進士除東莞知縣徵

授御史以忤閣謫南國子典籍福王時起御史有碧幢集

百城煙水密菴舊築在閭門後板厥爲李侍御灌溪  
宅後圃內有桃鳴草堂及芥閣諸勝  
徐枋居易堂集昔宋室既亡故相家鉉翁隱居教授  
不涉世事十有九年而逝史稱爲宋遺臣前侍御李灌溪先生遭世變潛節固守確乎不拔自鼎革時年  
未五十乃自五十而六十七八十守益固節益高  
三十餘年如一日嶧然不滓肆稱完人史冊所希有  
也

初埽密菴舊築

昔日深深意今依幻住身蓬蒿迷若醒竹柏故猶新小得蜘蛛隱居惟鐘磬鄰埽苔迎古佛竺國備遺民

賀鼎

二首

鼎字公調丹陽人天啟乙丑進士除尉氏知縣改永

城武康入爲兵部郎中累遷山西參政

讀孟東野集

寒香嚼彌出標格何清孤冰雪空山裏吟魂或可呼

塞上曲

河冰初泮春風多沙深水急流成渦中有老冰不可觸行人  
相喚無渡河

區懷瑞二首

懷瑞字啟圖高明人太僕丞大相子天啟丁卯舉人  
除當陽知縣改平山有趨庭游燕游滌諸草

廣東新語區太史海自有子啟圖論詩云國朝之詞  
章自北地以還厯下繼之盛於嘉隆而卽衰於嘉隆  
其病在夸大而不本之性情率意獨創而不師古啟  
圖能承家學與李煙客羅季作歐子建鄖湛若四五  
子

司金卷十一  
公者唱和其雄才絕力皆兢兢先正典型弗敢墮越  
絕不爲新聲野體

初至玉陽

踐玉作名城乃介荆郢間西稱湯沐邑北列介人藩蠶叢復  
東路設險抗雲關宰牧苦郵傳束帶無時閒晨起理訟牒日  
旰不得還腥瘁道固然毒有冰雪顏撫茲鋒鏑餘徒思物力  
殫頽垣隱草莽暴露骨如邱山何事豺虎嗥四郊行且艱

雨後待寇信

屹屹孤城夜淒迷風雨心輕師偵未返重地寇能深遠火多  
飈舉高銛遂陸沈吹笳知未散橫槊愧長吟

黃光

一  
首

光字若木莆田人天啟丁卯舉人官來安知縣有十

一洲詩草

蘭陔詩話若木工駢體文奇篇麗句枕藉齊梁

溫陵旅宿

寒夜一何長  
鳴雞催不曙  
秣馬促晨炊  
暗逐霜光去

明詩紀事

貴陽陳田輯

詩譜

呂大器

四首

大器字儼若遂甯人崇禎戊辰進士除行人擢吏部  
主事假歸以守城功增秩一等出爲關南道參議遷  
固原副使擢右僉都御史巡撫甘肅拜兵部添注侍  
郎兼右僉都御史總督保定山東河北軍務改江西  
湖廣應天安慶總督再改南兵部侍郎福王時遷吏  
部侍郎以事削籍唐王立召拜兵部尙書兼東閣大  
學士桂王立以原官兼兵部事進少傅督江南諸軍

贈太保謚文肅有東川詩集塞上草

黎士宏仁恕堂筆記閣部呂公大器丙戌隆武稱號  
福州公亦入閩見時事不可爲遂辭去至臨汀子得  
見之每一談時事言與淚俱其贈子詩有細雨霏霏  
已浹旬豈疑天日久沈淪又曰會看君文成鳳彩漫  
云我技已龍馴感慨之旨可見時有以口舌得官者  
舊屬公薦拔卽貴顯十及門終不一見行李半肩扁  
舟東下予送之河干執手太息曰異日相逢想是麻  
衣草履矣揮淚哽咽不能出聲風規舉止眞大臣也  
靜志居詩話呂公驅馳南北盡瘁行間五言如野寺  
依巖立官衙傍水閒孤燈寒殿壁落日映山城精衛  
悲銜石鴈鵠唳滿山雲煙春尚在烽火晝相連淚盡  
銅駝棘歌殘玉樹花豈無丹闕戀終抱白雲思心孝  
之訓溢於言表

詩觀初集東川詩思精而語麗  
李調元蜀雅文肅詩音旨淒壯逼似少陵

泊略陽下灘

祇爭一帶水尙枕小溪眠漁火穿江出村烽帶月傳孤城還

屹爾白叟半蕭然回憶垂陰處森森俯大川

遠江

孤身行萬里驛路怯星輶樹密煙村小沙平水岸遙野狐衝  
馬立山兒向人騎漸喜南州地猶看聚晚潮

雪山

光搖旌旆五涼平天外羣峰玉削成瀚海欲空青見月燕支  
未染白如瓊飛鴻已度長城窟勒馬還歌出塞行朱夏重裘  
猶不解崆峒倚劍自峥嵘

靖邊作

鳴沙萬里憶芙蓉午夢猶酣客恩憇戎卒秋新恩飲馬將軍  
歲久不傳烽停車無計綢桑戶乘傳頻勞進午饗獨坐帳中

驚白髮何堪砌下響秋蛩

高斗樞

二首

斗樞字象先鄞人崇禎戊辰進士授刑部主事以事  
下獄旋復官進員外出爲荊州知府遷湖廣副使歷  
參政巡按察使守鄖陽加太僕卿以右僉都御史巡  
撫漢中未赴福王立進右副都御史改撫湖廣道阻  
不得往國變後歸家卒有蛩聲集十六卷

全祖望續甬上者舊集高公守城之暇橫槊賦詩不  
減劉越石一流

壬午臘日與李賊大戰三日夜賊退賦示羣僚

刺閩傳警息登堞下軍符前隊靈鋒舉雙甄彌騎驅鋒舉  
巨纛麾疊馘封狐午夜纔休甲遙聞幕上鳥

萬騎指孤城腰間寶劍鳴乘風飛羽箭帶雪引霓旌旛動朝  
酣陣枚謌夜襲營凱旋笳吹滿梅柳正相迎

于頴一首

頴字長公金壇人崇禎戊辰進士除工部主事厯員  
外出爲西安知府以事削籍起工部郎中出知順德  
府改紹興遷浙江按察副使

偕無殊過虎邱遇雙白出新茗次韻

爲赴尊前約乘流漾淺沙新晴開疊嶂積雨曠疏花坐覺班  
荆久行看落照斜登臨興未盡還乞遠公茶

周鑑一首

鑑字仲馭金壇人崇禎戊辰進士除南戶部主事改

禮部以言事斥爲民起原官進郎中旋罷歸福王立以阮大鋮搆陷逮治賜自盡有十四哀詩

陳鼎東林列傳福王立馬士英當國特薦起從逆賊臣阮大鋮大鋮素惡東林諸賢作正續蝗蝻錄有十八羅漢五十三參善才童子七十二賢聖菩薩又蠅蚋錄有八十人活佛三百六十五天王五百尊阿羅漢共千有餘人皆海內賢良欲盡殺之以空天下遂首逮周鑑及雷嶺祚下獄矯旨賜死

陳貞慧書事崇禎戊寅吳次尾有留都防亂一詩公討阮大鋮大鋮以黨崔魏論城旦罪暴於天下其時氣魄尙能奔走四方士次尾慎其附逆也而鳴駟坐與偃蹇如故士大夫縕袍爭寄腹以爲良心道喪育於孺子方果子方曰呆也不惜斧鉗爲南都除此大惑兩人先後過余言所以余日鋮非無藉揚士大夫與交通者雖未盡不肖特未有逆榮二字提醒之使一默破如贅癱瘓潤爭思決之爲快次尾燈下削一藁子方毅然首唱飛馳數雨昆陵爲張三無金沙爲周仲馭雲間爲陳卧子吳門爲楊維斗浙則二馮司馬魏子一上江在氏兄弟方密之爾止阮心此事仲馭主之而鋮以書來書且哀仲馭不敢視就使者焚

之鍼銜之刻骨揭發而南中始知有逆案二字發出  
惠語曰逆某逆某鍼氣阻滯南門之牛首向之裘  
馬馳突廬兒息子焜燄通衢至此奄奄氣盡矣甲申  
迎立首謀福郎舊案將盡殺天下酬所不快下周公  
鎮雷公演祚於獄發其端時語所親曰吾五六年來  
三尺童子見阮大鍼名姓輒讐而唔者非若若耶若  
知有今日以揭中最切齒者十人列之上曰此擁戴  
路藩以圖不逞者又造爲十八羅漢七十二金剛之  
目曰此其羽翼者如王紹微點將錄故事以網殺之  
貴陽馬相曰大事方定如此人心不安姑緩之乙酉  
四月左帥良玉衷甲東下意清君側至九江南都渡  
恐鍼以爲雷周所擒不除之爲內應不得已詣貴陽基  
指揮暮往詎至達旦飛片紙賜死矣

### 懷京口讀書示長人

三山草色十年寒此日何當報酒闌昨夜潮聲東去急望江  
樓上有人看

### 與士驥

八首

士驥字季良義烏人崇禎戊辰進士除溧水知縣

婺書季良詩精苦沈細

金華詩錄季良自謂其詩峰格爭奇亦有立勝起結  
往往微遜亦自知之而不肯措意改作故多以句勝  
七言如烏外斷虹山寺雨浦邊斜燕石橋風吹煙隱  
樹遠邨暮暝色渡江春浪深孤枕幾年愁暮笛一錦  
初夜隔春紗愁中草色偏嫌雨夢裏花枝獨背春五  
言如秋嶂宜寒月春林足緒風燕領差池雨花標次  
第春芳樹和風綠幽蘿逼雨青樹納初晴日花爭欲  
盡春上者神秀次者幽婉皆一代之逸唱也

田核季夏詩才絕麗崇禎時楚音靡靡此真軼塵之

### 塞上曲

虜騎乘秋牧連營殺氣新隴雲朝出塞邊月夜歸秦白草金  
屬色黃沙鐵甲塵將軍猶蹴踘只領醉中春

### 過顧將軍

朱戶王孫第青萍俠客家濃雲連斷岫急雨定飛花寶劍雙鸞舞金丸獨鳥斜夜窗飄細響知是教琵琶

春興

四首

枕郭灘聲拂岸斜環江山色抱城貯門當流水鍾期調徑繞煙霞綺季家雙燕到春宜畫棟一鶯出曙隔深花閉闕卽是棲真宅不用尋幽躡彩霞

女牆薜荔綠翻空靜室平開密樹中疏檻曲通花徑月小山幽背竹林風仙人洞壑藏松赤少婦箜篌倚袖紅學道徵歌皆勝事池臺未許習家同

山擁錢塘翠作屏浮圖高處有藏經曇花鳥亂迷秦鷗呪食僧閒漱晚汀寒雨乍收江月黑春潮欲上浦風腥叩闕乍解

無生偈不用臨流歎獨醒

湖上千峯鎖翠微雨隄新水澹忘歸秦箏舊譜朱樓曲楚客  
新裁綠菱衣蝶隱江雲時隱見林藏海雨半依稀何人駐屐  
攀蘿月碧樹陰中半啟扉

津亭

驛路明霜葉津亭急浪花不須悲遠道只此是天涯

秋閨

寒雨侵階欲暮秋燈沈月黑夜悠悠更深獨背紗窗立怕有  
疏螢點闌愁

吳承烶

〔首〕

承烶字伯昭莆田人崇禎戊辰進士除懷甯知縣

楊柳枝詞

二月纖枝三月花綠堤綠岸簇香車紫駢慣識西陵路直向

高樓蘇小家

曹荃

一首

荃字元宰無錫人崇禎戊辰進士除南刑部主事歷  
郎中出爲漳州知府累遷福建副使

山中獨行

山石太嶼嶺孤行疑鮑焦疏鐘雲外閣細草澗邊橋立馬欲  
相問前村去已遙磨廬颺忽影碧落夜聞簫

林銘球

一首

銘球字紫濤漳浦人崇禎戊辰進士官御史有鐵厓

集

塔寺小樓和壁間韻

爲拾天中月來分祇樹林樓空冷梵語塔靜冥伽音一瓢雲  
足飯半偈雨閒心得句秋初爽鳴蛩入夜吟

謝宗

一首

宗字伯漣龍溪人崇禎戊辰進士累官山東參議有  
許山遺稿

琯溪登舟寓張有民山房

小舟逼岸入山家竹屋穹窿望遠沙煙雨微茫押淡墨溪山  
混沌掃青霞烹茶對客水爲活酌酒談心天作漸漸火黃昏  
紅一點柴扉半掩落燈花

姚思孝

一首

思孝字永言江都籍歙人崇禎戊辰進士改庶吉士授戶科給事中改兵科工科謫江西布政司照磨遷南國子助教厯太僕丞光祿少卿福王時改大理少卿後削髮爲僧有康山草堂集遊笥草

詩觀二集廷尉詩新琢秀逸

得吳梅村書卻寄

征邁今如昔危闊尙未平莫嗟同輩盡翻旄兩人生筆怨曾  
焚草書成好道名一瓢雖勺水日月寄孤情

詩觀二集廷尉與宮詹同被徵召而出處之際有數存焉此詩獨是昔年胸膈同語

管起宗

一首

起宗字宗起如皋人崇禎戊辰進士除行人遷南吏  
部主事厯郎中出爲山東僉事改廣東湖廣進參議  
有得全堂集七遊草

望九華

昨夜南風送客船朝來池口雨冥冥忽看天際飛鷗白失卻  
蓮花九朵青

李奇玉一首

奇玉字元美嘉善人天啟壬戌會試中式崇禎戊辰  
進士除武學教授厯國子博士遷南工部主事改兵  
部厯員外郎中出爲汝甯知府有雪園遺稿

閒居

柴桑深閉寂無譁讀罷遺經灑茶風雪滿庭黃葉落冷香

清韻在梅花

薛筭十首

宋字諧孟武進人崇禎辛未進士除武學教授遷國子助教再遷南刑部主事厯郎中出爲開封知府晚爲僧號米堆和尚

尤侗良齋雜說薛進士宋皆爲開封知府亂後棄家依山僧以居自更其名曰米乞墓有米堆山因以自號飲酒吟詩狂以終

卓氏穀園圖和詩十六章

錄十一

卓氏穀園十六區張君旣各爲圖而楊龍友復寫此冊張則亂頭粗服龍章鳳姿楊則雅人修士楚楚焚

香掃地時也蓮旬居士父子題詠足千古而使予得  
廁其間願寶此園更寶此圖庶予得與裴廸俱不朽  
乎

虎踞石城在六朝何往哉不如君先人江干獨虎來

馭虎巖

鶴影夜臨深潭鱗亦起舞老龍聽法罷欲與胎仙語

鶴深

君以蓮爲宮鬢訪自寬廣盍觀恒沙國盡託錐刀上

蓮旬

琉璃爲胸次中復現五嶽何忽自云無無無乃真覺

無山堂

生長笠澤旁夢魂在其中支雨欹簪冠吾與樵青同

笠

昔聞景純言凡山生於浪亦有浪同生巾裙骨肉相

沙山

唯俗不可醫爲有醫俗意我自由舍翁桔槔昨已治

鋤月灣

潭爲有龍跡晵來或青鳥不然卽麻姑愛此爬背爪

呼龍嶺

已甘入林深眼潤復如此胡不任蒙茸潑墨澄心紙

寒江樹

有一醜軀因拾草立幡喻我以命聽藥藥以命聽前

藥草莊

吳越古湯社請君爲署領不知是何曹但解日茗芋

茗柯坪

田按械圓在石頭城清涼山下草左車之別業也楊龍友爲作圖董香光跋曰械圓圖十六景龍友爲無量居士作昔盧鴻乙草堂圖李公麟龍眠山莊圖流傳世間皆稱神品鴻乙自有嵩山十志楚詞而山莊圖題詠具蘇黃門集五言絕句頗類摩詰嘲川詩伯時獨以畫名意當時必有首倡但無傳耳無量居士於此十六景已有詩中畫而龍友溫礪氣韻生動著意微茫滅沒間有鴻乙之蒼秀伯時之幽邃爲十六景傳神寫照無復遺恨如置身朝口椒園庇柴居然王裴唱和勝情信可傳也

陳天定

一首

天定字慧生龍溪人崇禎辛未進士累官太常少卿國變後爲僧名圓慧有慧山集

大峰山佛祖岩

寺古多荒瓦僧貧只薦茶谷鳴千樹響人定一香斜鑑水形  
憐影安心客是家可將生滅理悟取佛前花

李世奇

一首

世奇字亮先漳浦人崇禎辛未進士選庶吉士以母  
老歸再召不起加左庶子有澹齋居草

暮年無教門多索字者因用自悼

焚硯拋書案滿埃扣門便覺擾生涯只應絹到留爲機閒道  
篇成欲覆醅筆墨從人猶是累文章媚世亦非才小窗且適  
義皇夢莫遣奚僅報客來

許芻

一首

彥字玉斧侯官人崇禎辛未進士除戶部主事歷員

外出爲浙江僉事進參議有春及堂詩

東南嶠外詩話玉斧詩格調平穩本朝風香月淡  
鐵堂雪村諸詩人皆行其門風界世擅三絕之譽

與張天如吳駿人楊維斗泛舟西湖

十里晴明嫩柳斜同登孤棹賞春華蒼茫野色餘殘鶴迴舍  
山光到暮霞曲岸驚風翻荇帶平隄新水繡桃花芳辰尋樂  
須拚醉更向橋西覓酒家

黎崇宣

一首

崇宣字孺甸番禺人崇禎辛未進士官廣德知州有

貽清集

春別曲

春風一夜雨瀟瀟  
曉來已滿春江潮  
乘潮相送出江上  
我但躊躇君獨往  
渡口垂楊映綠波  
隔浦茫茫煙霧多  
望君不見將如何

吳國琦

一首

國琦字公良桐城人崇禎辛未進士除漳州推官改  
兵部主事有水香閣懷茲堂集

趙灤陽蒼漪閣

高亭敝木末涼意與秋生當戶一峯出雙江夾月明藤蘿封  
洞壑河漢接檐楹坐久繙衣薄懷入已二更

楊士聰

一首

士聰字朝徹濟甯州人崇禎辛未進士改庶吉士授

檢討遷諭德有靜遺堂集

棗林雜俎聊城進士白檍治園於臨清章邱頗幽麗德州謝太宰陞求之不得謝方典銓補盧氏令被寇死濟甯楊士聰詩興寄煙巒聊遙意

禍胎花甸杏歸魂

田按朝徹凶年四吟如讀大東諸詩可以告哀

凶年四吟

累年皆赤地無怪民窮蹙釜甌既生塵爨煙絕比屋三旬鮮九食解空那得穀灑槐收澀實剝榆露槁木楊柳聲寒林草根殫蓬谷已分作捐瘠曷辭委溝瀆所恨息未絕同類暨其肉死餓

尋常井閭中每憂逢不若小竊類螟螣大奸乃鯨鱣遠鎮既攻陷近村恣驅掠畜擒或抵罪強撫先頒爵脣膚黨日繁狂

騁力鬻萌生齒累百萬狼藉就鋒鏃何堪縱虎翼乃至恬魚  
獲徒薪空多算誰肯受良藥死寇

名將重威信過師從枕席平日少撫練臨戎增嘆噴賊餸既  
以熾調發雜主客強者太狹羸弱者不任革緣村掠民畜孰  
操自完策貧民無立錐更復遭奇阨談笑借汝頭聊以充斬  
馘死兵

殺運殄生人輕細如蠟蟻兵荒已半死豈堪罹病孽春來漸  
多疫什九劇綿惙蠹兒旣草萎良謹或蘭折道路續新鬼親  
屬累死別貧民無棺斂委棄空痛結橫屍陳道衢端爲烏鳴  
設死疫

汪國士

一首

國士字君翹桐城人崇禎辛未進士累官山東參議  
有簡軒集

飲吳中丞園林

鎮蜀嚴公去征蠻馬援還家園緊舊侶花竹是新刪市徑添  
闌好遷池養鶴閒更堆山一座城裏日躋攀

陶汝鼐十首

汝鼐字仲調一字熒友宿鄉人崇禎癸酉舉人除新  
會教諭福王時授翰林待詔遷兵部郎中五省監軍  
改檢討有廣西涯樂府曉古集寄雪樓集禡玉堂集  
郭都賢止菴集余與仲調生同里長同學出處患難  
同時同志年來杖策以規江左垂涕而授捨遺哀時  
命弔職場尙有不盡於詩若文者晚復以凌霜曠雪  
之肝腸赴敍鳳弋鴻之羅慰西臺之憂自聯湘水之

魂復返皆仲調詩文登峯造極時也  
黃周星嘵古集序嘵友嘵古之作非忠孝廉節之型  
卽奇侈靈祕之蹟大之可以干城名教小之亦可以  
博物洽聞是編出皇天后土可鑒野老之心五嶽九  
洲共聽空山之哭其以嘵古名篇蓋取詩人願言則  
嘵之義悼今人之不古處也

靜志居詩話先生壯歲好遊自吳入越與先人訂僑  
札之分晉留鵠李度歲晚際此離出監軍事捍禦鄉  
邦著力盤草堵兩公盡瘁略同讀哀湖南賦懷及過  
於蘭成詩雖未脫竟陵之派然覺爽氣殊倫  
田按仲調詩有異才惜爲竟陵所染當其合作如金  
鐘大鏗不作錚錚細響

銅佛崖

九月霜氣深煙寒  
磬亭午山折登層崖臨江不可頰岸屈趾  
乃窮雲斷路前忤紺巖嵌山腰豁然開淨土僧去門不扃空  
泉散微雨終日漱嚴花泠泠答鐘鼓

舟入虎邱

破曉入吳門不泊良有意欲及清晨光入山發山寐舟行二里餘人煙雜遜翠峻嶒立平楚塔影落無地廻舸盡橋東及門恐容易沿溪竹樹幽舟繞出山背綠陰濃到天小鳥一聲墜艤棹從此登晴雪洗高寺

擬古贈高策旃學使兼寄懷王昆華宗伯

衆山不讓嶽及嶽意自平列星不作月傅月光始盈文章接元化日月風會生假令古學蕪何以勑高明鉅公抗經史五緯天上橫春風吹响巘赤緣成雲英一吹玉琯發再吹洞庭清雕蟲三三子激作金鏞聲鼎鼎朱張後敢獨求微名今夜嶽麓下森寒唯玉衡

軒轅臺懷古二首

軒轅非貴壽天地難鴻濛雲英化金石物命趨五銅騎龍下  
寶山乃在湖水中張樂洞庭託言師崆峒千載鼎湖上元  
氣翔八風

青天互湖水自日凌丹臺至人非羽翰黃龍自天來悠悠萬  
乘跡徒令攀者哀上有寶鼎雲下有蛟宮雷當時十六相豈  
無神仙才庸哉秦始皇赭湘求蓬萊

還家

新飯盛滿盂新酒酌滿卮諸孫競相勸幼者持我匙出門雪  
壓屋手抱初生兒歸間掩袂泣始悟彌子悲百年苦情累哀  
樂集一時乃翁幸生還理遣聊自持假使魂歸來此哭當爲  
誰達人濟彭殤莊叟真吾師

初冬舟中作

霜吹徐徐來沿舟人蘋蓼好山迢遞青一鏡窺飛鳥白鳥差  
池穿野菱天寒水落陰棱棱澹雲到地無一影紅樹圍村知  
幾層一作李世熊詩

秋夜同尹洞庭汪涵夫諸子索觀楚王孫伎劇卽席戲  
爲艷體

小山叢桂裏一隊錦鴛鴦欺雪花俱艷迴波曲自長清微洲  
女瑟蹀躞洛神瑣慣與王孫見新妝但夕陽

雙江逢船叟話舊

遙識墟煙處雙江照白鷗幾家疏莽住孤寺刲灰留隱隱但  
樵路潭潭無釣舟聊蓬舊船子悲難話餘愁

晚春廿七日與曹叔方劉衍蓀洪象先諸子自三湖過

帥君卜草堂夜集

十里踏莎青未青到門日落煙柳暝欣然解衣索秉燭愛此  
草堂遙帶星過客光陰春宴序雅人文酒尙立亭餘生好會  
不再得淹我黃鶴湖上聽

張明弼二首

明弼字公亮金壇人崇禎癸酉舉人除揭陽知縣有  
贊之榕城二集

同翁裴郎許班王春夕飲宋臺公先生郭外別業夜半  
而別

檀板催酣子夜情紅彩猶自進瑤箏歌聲變向梅邊落燭影

偏穿水底明隔澗設花疑正歸依林宿鳥未傳驚  
鶯柳煙閣恒來往忘卻秦淮是故京

送張少尹往贑州

韓江北去是歸途水意山情欲向吳君入吳西爲候吏願  
械鄉夢到姑蘇

明詩紀事

貴陽陳田輯

辛籜

文德翼

〔首〕

德翼字用昭德化人崇禎甲戌進士除嘉興推官擢吏部主事有雅似堂文集十卷詩集三卷

四庫總目德翼人品清逸而學問未能精邃所作備收錄之類大抵以餌釣爲工  
陳子龍安雅堂集豫章文字詩微而章直而和痛而不亂瑰麗詰曲而不詭於正其遠者刺當時之失抒忠愛之旨其近者迫於憂讒畏懼之懷而其要曰不失於和平婉順

西江詩話用昭屢徵不出徜徉於五老二林之間者三十餘年工詩文

田按用昭知權變在良玉跋扈不禮督師呂大器用昭說鄭撫王某文武固宜調和制府尤當尊崇公宜

先折節致禮以存朝廷之體王從之左乃修道韻督  
師之儀時以爲善於應變

湧鉢寺

我聞古佛鉢數里以爲邊阿難拜其上笑如小蟲旋又聞如  
來鉢四際光層層耀什心計較極力不能勝復聞祖師鉢絕  
無佗繆巧龍大鉢亦大龍小鉢亦小三鉢具神通也知色卽  
空恨不與其會散花滿鉢中益城普潤菴一鉢從地起雙龍  
擎爪飛添出法王子法王法非法王子法亦塵法尙不足慕  
而况此鉢真似陶且似冶非金亦非鍍浩劫久沈迦頓爲開  
士收開士者阿難朽木道人是此刹建一竿禪和獲安止晦  
山大師來歎爲大奇特題詩表章之壁上懸精墨酬和何紛  
綸辟支共聲聞十方一應器勗此鑿花文鐘鼓尙未響此鉢

幸勿持如或喫粥了洗鉢更何疑

嚴子餐招飲湖舫同子問張晉侯梁景衡孫子操陸梯

霞拒石

夢裏西湖老更來畫船那放故人杯鱗鱗細浪隨風浴蠶簷  
層松促燕迴五月楊梅纔半熟六橋柳色未全開清音不復  
憐絲竹座上況多作賦才

朱芾煌

五首

芾煌字玉璫無爲州人崇禎甲戌進士除餘姚知縣  
改樂安入爲戶部主事謫順天教授遷國子博士歷  
兵部主事進郎中有文嘻堂詩集二卷

四庫總目：芾煌詩大都高目時艱詩多感慨如春愁秋懷諸篇紀明末朝政紛紜亂亡之象亦可見其大概

田按玉璫詩七言流利情致動人

偶過湯光祿伯衡城南舊園後屬曹幸廉環應亦復作古感而賦此

楊柳隄邊去馬遲笑蓉江上憶當時每從窈窕傾君酒多遣玲瓏唱我詞碧樹又更亭館額青山尙欠墓門詩湯休化去東阿死斜月荒原一段思

季本之外弟過姚江夜話

官舍鐘聲起麗譙烽煙何幸阻寒宵可憐海國晴看月猶記江門夜聽潮鄉夢欲隨雲共遠春愁未許酒能消朱家俠氣今全減把手燈前慰寂寥

邀汪友仙榷部飲南湖煙水亭

孤嶼亭間秋氣疏山川指點到來初遊人草坐皆宜酒倣吏  
江樓好著書蘭芷遠尋通楚畹芙蓉高臥接匡廬金錢少府  
供輸急合向磯頭伴老漁

乙酉元旦

癸未甲申兩元旦聖駕視朝早於常期朝鑰久鳴諸臣鞭馬長安街上趨朝不及又忽退

朝移時復出此事兩年如一當時人憂不祥之兆今因夢記此真不禁泣然也

弓劍攀號恨未明天街走馬憶縱橫可憐昨夢朝元淚都入  
東風作雨聲

江洲

長江夜靜起鶯聲無限傷心對月明芳草春風隨處徧如今  
只不到江城

劉侗

一首

侗字同人麻城人崇禎甲戌進士除吳縣知縣未任

卒

曹溶靜惕堂集同人以文體矜奇爲學使置下等憤  
憤入太學連舉鄉會試留都亨日與于司直共輯帝  
京景物略文筆詭異蓋亦服習竟陵派者

燈下竹枝詞

貂裘胡馬象裝車不是勳家是戚家笑上街樓簾盡捲遊人  
團定候琵琶

凌世韶

一  
首

世韶字官球歙人崇禎甲戌進士除福清知縣調汀  
州經歷遷嚴州推官擢戶部主事進郎中有汭沙草

沙頭呂貞婦龔氏

明月不在天下爲貞女心清寒入花骨夢向冰霜尋寥落殘  
燈影沈吟破鏡陰苦辛嚦謝豹碧血染空林

張允掄

一首

允掄字并叔萊陽人崇禎甲戌進士官饒州知府有  
希范堂集

勸惰

有男不知耕有女不知織昏昏惰廢人仰屋空歎息斯民生  
於天自養各有力壯盛時幾何崦嵫景將邁君看原上霜坐  
變芳草色

闕士琦

二首

士琦字褐公常德桃源人崇禎甲戌進士除南安知

縣福王時起編修不赴有蟛蜞館闕山郎當等集

劉子驥

名士耽奇僻桃花信有無白雲丹竈古莫問武陵漁

崔婆泉

天風環珮杳何處度靄裳石髓無須吸崔家泉自香

潘世澄一首

世澄保山人崇禎丙子舉人官萍鄉知縣

送吳山人

黃菊故人杯青山遊子路匹馬向垂楊回首燕雲暮

黃日乾一首

日乾字聖因江甯人崇禎丙子舉人

書齋

小齋晝靜坐如年閒撥爐灰裊篆煙一尺緣陰蕉半展雨餘  
窗紙上蠅涎

余颺十首

颺字廣之莆田人崇禎丁丑進士除宣城知縣改寶應上虞徵授吏部主事厯員外郎中出爲廣東副使有廣中集

蘭陔詩話季蘆從朱孕岡起兵被執禁獄中踰年得釋歸晚製鐵笛自稱老鐵蓋以楊廉夫自況也陳伯璣稱其詩可與少谷石倉三分鼎峙

田按蘆之近體音節悲壯多故宮禾黍之思

獄中夜坐贈林小眉二首

老被微名誤君方十倍才乾坤逢格鬪烏雀任疑猜濁酒談

無賴荒雞聽可哀長歌徒自損一笑落燈煤

無力支天地飄零委壯心何人堪說盡爲爾獨長吟老馬疲  
關嶺窮猿望木陰角聲隨雨到雙鬢畏燈侵

懷方爾止

社鼠城鴉哭帝都臨江東望孝陵枯柏韓五世悲公子哭楚  
三閭憶大夫鴻雁離魂銷皖口鵠鷺羽鎩南湖舊詩覓寄  
遊鱗斷水闕茫茫歲欲徂

銷夏灣

夫差宮館迴吳關銷夏沈沈水一灣蘭槳風移香水沸杜梨  
雨溼錦帆斑館娃人去秋煙寂寥廊空暮鳥還夜半江頭  
歌舞歇千年月冷見愁顏

拜戚少保祠

當年一旅下閩疆殲絕俊哲罷戰場父老今猶談事蹟春秋時復奠蒸嘗銅龍鱗甲蒼苔落畫壁蟲蛇碧草荒幾度嚦鴉飛繞樹峩峩古廟煥山陽

贈楊仁叔兼山先生子

先公獄獄舊詞臣上第京華謬結鄰抗疏名曾齊四諫捐軀事復比三仁秋江明月思公子春草他年望故人欲解只餘雙短劍未堪持贈爲防身

喜逢周遠害

帝京昔歲曾交臂馬首匆匆拂後塵垂老相憐難閉戶立談未盡覺傷神兵戈閩楚頻年似詩賦窮愁逐字真君倚黑頭

吾白首不堪相對客中身

聞鄰人弦歌

淒涼野館晝長局響亮歌聲隔巷聽鶴引雕笙臨玉宇鳴迎  
碧管入紗襦詞人慣調河魚泣樂府新編白雀翎莫使更翻  
天寶曲江州司馬淚如零

可歎二首

湖草青青綴野橋鷓鴣漠漠出迎潮水碧簾外花如錦複道  
行宮久寂寥

南樓花鳥北樓煙沸地歌聲動管弦十載江南多恨事筵中  
莫迺李龜年

許承欽一首

承欽字漱石漢陽人崇禎丁丑進士官主事

德州渡浮梁

古驛紆山左長川抱海西土風兼漢魏河勢割燕齊鹿角彌  
前樹平原嶺外雞轉漕疲萬里雨雪看輪蹕

秦鏞

一首

鏞字大晉無錫人崇禎丁丑進士除清江知縣福王  
時擢監察御史有參同閣集

和唐人惠山詩

探泉古亭下杉徑何青蒼傍有碧山社上有尊賢堂先澤半  
宿莽林鳥徒飛翔雙井貯空碧羣柏栖幽光飲泉有真味啜  
茗雜花香千載共遙企懷此不能忘

莊元宸

一首

元宸字起貞鄼人崇禎丁丑進士授南太常博士福  
王時遷刑部主事魯王監國擢吏科都給事中遷太  
常少卿進本寺卿有因園集

續前上者舊集魯王監國召莊公入朝公疏言殿下  
大仇未雪舉兵以來將士宣勞於外炎威寒凜沐雨  
備風綿眠殲藪於內敵骨吸髓重以昔年秋涼今茲  
亢旱臥薪嘗膽之不遑而數月以來頗安逸樂益怠  
幕燕鷗時唱憂則安安何可懷也敵在門庭不及旦  
夕有深宮養優之心安得有前日借客之事則蒙蔽  
何可盡也天下安危託命幸相今左右之人頗能內  
承色笑則事權何可移也五等榮封有如探囊有爲  
昔時佐命元臣所不能得者則恩賞何可亂也殿下  
試念兩都三殿禾黍夢秀則居處必不安試念孝陵  
長陵銅駛荆棘之慘則對越必不樂試念王青宮  
之辱則撫王子何以爲情試念江干列邦生民之慘  
則衣食可以供廢疏入報聞而已公又言中旨用人  
之非乃報王憤政臣叨居科長斷不敢隨手奉詔王

不能用自是公累有封駁謝三寶皆納內侍力阻之  
而馬士英又至王詹事思任等移檄拒之又廷爭之  
不得公言士英不斬國事必不可爲不報於是公貽  
書同官林公時對言殺兩氣象似惟恐其不速盡堵  
區區憂憤無時不痛心疾首以致形容骨立願得以  
微罪成其山野舉朝共留之公意決竟去疽發於背  
死

### 絕命辭

故人唐魯公顚沛勿遽死事至不可爲終須一決耳苦心透  
脣胥幽恨及沒齒而我同蹉跎下泉慚君子

### 錢朝彥一首

朝彥字殷求錢唐人崇禎丁丑進士除句容知縣改  
旌德

### 過功德坊

在西湖錢王祠

百戰瞻烏日中原逐鹿時鯨鯢方建節虎豹敢交絃風雨侵  
車轍江淮照戰枚土人嚴伏臘猶自望旌旗

倪長圩

一首

長圩字伯屏平湖人崇禎丁丑進士除蘇州推官遷  
兵部主事

橋李詩繫伯屏博學好古善書法

次曹秋岳年兄韻

守約安貧賤良朋辱過存吾衰誰與怨疑義幸逢論草上雨  
珠碎天邊弦月昏坐來更漏轉香滅酒卮痕

康范生

一首

范生字小范安福人崇禎己卯舉人

梅村詩話楊機部殉節後云已無子有戚小范孝廉來吳門攜機部在贛州詩十餘首并言其子尚在小范與機部同事兵敗被縛下獄頽死而免吳門葉聖野贈之詩曰虛謀流落劉公死回首章門一惘然亦俠烈士也

### 嘉定寓舍感賦

野寺門臨官教場荒郊日落客心傷書來異地傳新語人到衰年憶故鄉有盡繁華頗看鏡無端寂寞強浮觴與君試上高臺望幾處朱門變白楊

### 費經虞

一首

經虞字仲若新繁人崇禎己卯舉人除昆明知縣歷通判改桂林知縣有荷衣集

李調元蜀雅仲若當蜀亂之後獨能以詩學世其家子密孫錫琮錫璜俱馳名藝苑再傳不替可謂有鳳

毛矣

歸田吟

家破猶餘半畝塘  
杜鵑嚦處柳絲長  
騎牛不到人間去  
白髮蕭蕭晒夕陽

張堯一首

培字居玉程鄉人崇禎己卯舉人

送陳醴源父子旋里

春辭五嶺去  
公向八閩歸  
明月照官路  
梅花飄素衣  
風塵終不染  
宦海早知幾  
自買三間屋  
雲深鶴護扉

羅策一首

策字元升上元人崇禎己卯舉人

獻花巖

古寺依林麓穿雲石徑斜高僧今不見山鳥自銜花

曾異撰

一首

異換字弗人侯官人崇禎己卯舉人有紡授堂集

靜志居詩話  
十五國風高言集  
田彌淵曰  
弗人詩抒寫性靈獨有奇氣

續印帖背寒夜懷寄李元仲

十月葭深霜近人杳然懷望百憂親獨醒一榻五更雨半世無家有病身老至著書傳未得交多求友認難真暗中搔首商知已不覺雞聲動四鄰